

暖紅室彙刻荆釵記



古

本

形

金

記

荆釵記卷上目錄

第一齣

家門

第二齣

會講

第三齣

慶誕

第四齣

堂試

圖

第五齣

啟媒

第六齣

議親

圖

第七齣

退契

第八齣

受釵

圖

第九齣

繡房

第十齣

逼嫁

第十一齣

辭靈

第十二齣

合登
圖

第十三齣

遣僕

第十四齣

迎請

第十五齣

分別
圖

第十六齣

赴試

第十七齣

春科

第十八齣

閨念

第十九齣

參相圖

第二十齣

傳魚

第二十一齣

套書圖

第二十二齣

獲報圖

第二十三齣

覓眞

第二十四齣

大逼

王龜齡小像
宋人作



荆釵記卷上

巢刻傳奇第三種

夢鳳樓

校刊

暖紅室

第一齣 家門

臨江僊末上一段新奇真故事。須教兩極馳名。三千
今古腹中存。開言驚四座。打動五靈神。六府齊才并
七步。八方豪氣凌雲。歌聲遏住九霄雲。十分全會者。
少不得仁義禮先行。問答照常。

沁園春才子王生。佳人錢氏。賢孝溫良。以荆釵爲聘。

配爲夫婦。春闈催試。拆散鸞凰。獨步蟾宮。高攀仙桂。
一舉鰲頭。姓字香。因叅相。不從招贅。改調潮陽。○修
書遠報萱堂。中道奸謀變禍殃。岳母生嗔。逼凌改嫁。
山妻守節。潛地去投江。幸神道匡扶撈救。同赴瓜期。
往異鄉。吉安會。義夫節婦。千古永傳揚。

王狀元不就東牀婿。万俟相改調潮陽地。
孫汝權套寫假書歸。錢玉蓮守節荆釵記。

第二齣 會講

滿庭芳。生上。樂守清貧。恭承嚴訓。十年燈火相親。胸

藏星斗。筆陣掃千軍。如遇桃花浪煖。定還我一躍龍
門。親年邁。且自溫衾扇枕。隨分度朝昏。古風越中古
郡誇永嘉。城池闐闐人奢華。思遠樓前景無限。畫船
歌妓顏如花。詩禮傳家忝儒裔。先君不幸早傾逝。奈
何家業漸凋零。報効劬勞未如意。儘交彈鋏歎無魚。
甘守藿鹽鹽樂有餘。萱堂淑賢齊孟母。諄諄教子讀詩
書。刺股懸頭曾努力。引光夜鑿匡衡壁。胸中拍塞書
五車。舌底瀾翻浪千尺。嗟吁歲月不我留。親年老邁
喜復憂。甘旨奈何缺奉養。功名況且志未酬。一躍龍

門從所欲。麻衣換却荷衣綠。丹墀拜舞受皇恩。管取
全家食天祿。小生姓王、名十朋、表字龜齡、温州在城
居住、不幸椿庭早逝、惟賴母親訓育成人、家無囊橐、
忝列庠生之數、學有淵源、慚無邑宰之榮、明日府尊
堂試、他時大比未知若何、此乃天命所賦、亦非人意
所期也、日昨已曾相約朋友們講學、以明經史、在此
等候、

水底魚未上、白屋書生。胸中醉六經。蛟騰鳳起。管登
科。爲上卿。自家府學生員王士宏、明日府尊堂試、已

約朋友會講、不免到梅溪家去、迤邐行來、此間就是、
梅溪有麼、生四明請了、末請了、生半州爲何不至、末
隨後來了、

前腔淨上白面兒郎、學疎才不廣、粗豪狂放、指銀瓶、
索酒嘗、自家孫汝權、府尊堂試、來到梅溪家會講、迤
邐行來、梅溪有麼、生見介明日本府堂試、我等各把
本經講習一篇、淨末君子講學、以文會友、有何不可、
生如此、先把四書講一講、淨講甚麼書、末若講四書、
先講論語、梅溪學而時習之、不亦悅乎、半州有朋自

遠方來、生、學生亂道了、淨願聞、生、學之爲言效也、人
性皆善、而覺有先後、後覺者、必效先覺之所爲、乃可
以明善、而復其初也、習、鳥數飛也、學之不已、如鳥飛
也、管見如此、望二位改教、末講得有理、生四明不亦
悅乎、怎麼講、末、學生亂道、生願聞、末既學矣、而又時
習之、則所學者熟、而中心喜悅、其進自不能已矣、請
二位改教、生講得有理、末、半州有朋自遠方來、不亦
樂乎、怎麼講、淨、我也不要講、免了罷、末、這箇如何免得、
淨、鵬、大鳥也、一飛九萬里、果是遠方之外、落者、是掉

也。那大鵬在遠方之外飛來，不想飛得羽垂翅折，在半空中停翅而想，說道：我有些契力了，莫不要掉下去。說言未盡，蹣蹣此乃不亦樂乎？末半州差了，你我同心爲友，合志爲朋，怎麼到說了飛禽淨二位滿腹文章，無忝同類。我學生不通古今，一味粗俗，誠所謂馬牛而襟裾，飛禽與走獸，正是同類。末休要取笑。
玉芙蓉生書堂隱相儒。朝野開賢路，喜明年春闈已招科舉。窻前歲月莫虛度，燈下簡篇可卷舒。合時不遇，且藏諸韞匱。際會風雲，那時求價待沽諸。

并金言
前腔末懸頭及刺股。掛角并投斧。歎先賢。曾受許多
勤苦。六經三史。靡溫故。諸子四書。可誦讀。合前
前腔淨家私。雖富足。心性忒愚魯。向書齋。剛學得者
也之乎。無才學。休想學干祿。有才的。便能身掛綠。合
前

生聖朝天子重英豪。

末常把文章教爾曹。

淨世上萬般皆下品。

合思量惟有讀書高。

第三齣

慶誕

高陽臺外上兔走烏飛。星移物換。看看鬢髮皤然。嗣

息無緣。幸生一女芳年。溫衣飽食堪過遣。賴祖宗遺
下田園。喜一家老幼平安。謝天週全。鷓鴣天。華髮蕭
蕭鬢若霜。老來無子實堪傷。箕裘事業誰承繼。詩禮
傳家孰紹芳。閑議論。細思量。欲將一女贅賢良。流行
坎壈皆前定。只把丹心託上蒼。老夫姓錢。名流行。溫
城人也。昔在黌門。忝考貢元。衣冠世裔。時乖難顯於
宗風。閥閱名家。學淺粗知乎禮義。不幸先妻早逝。只
存一女。年方二八。欲招王十朋爲婿。以繼百年。自愧
再婚姚氏。幸喜此女能侍父母。正是子孝雙親樂。家

和萬事成。今日是老夫賤誕。聊備蔬酒。少展良辰。李
成那裏。末上。一點祥光現紫薇。匆匆瑞氣藹庭幃。齊
簪翠竹生春意。共飲瑤卮介壽眉。老員外。有何鈞旨。
外。請老安人出來。末。老安人有請。

臘梅花。淨上。年華老大雙鬢皤。胭脂膩粉幸丟抹。市
人都道我。道奴相像夜叉婆。末。牛頭獄卒做渾家。此
不是夜叉婆。淨。老員外萬福。

前腔。丑上。奴奴體兒多嬾娜。嫦娥也賽奴不過。市人
都道我。道奴相像緊那羅。末。小心金鼓手。此不是緊

拿鑼。丑見介。願嫂嫂、千年朱頂鶴、願哥哥、萬代綠毛龜、外甚麼說話、淨姑娘、今日是你哥哥生日、爲何來得能遲、丑在家整備些薄禮、因此來遲、外妹子自家、如何送許多禮、丑沒有什麼、牽得一隻黃狗、與哥哥慶壽、外狗慶得壽的、丑黃耆無疆、願哥哥受天之慶、淨每年間是你把盞、今年你姪女長成了、該他把盞、學些禮體、待我去叫他出來、孩兒那裏、

珍珠簾。旦上。南極耿耿祥光燦、明星爛。慶老圃。黃花娛晚。衆去了。青春不再返。且暫把身心遊翫。日踈散。